

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VIII. Eo jure usus Zozimus; & Leo I. in capitibus fidei & disciplinæ. Gallicani Episcopi Decreta Romanæ sedis in synodis edebant, & canonibus inserebant.

urn:nbn:de:hbz:466:1-15591

110

De Concordia Sacerdotij

*bat, ad Orientales mittitur, non injuria extor-
quendi, ut nunc agitur, ad sensum, sed instruen-
de universorum conscientiae consuetudine.*

VI. Sed, ut ego quidem existimo, nihil ad præsentem disputationem accommodatius proferri potest epistola Concilij Ephesini ad singularum provinciarum & civitatum Episcopos, Presbyteros, Diaconos, & universum populum data, qua synodus omnes certiores reddit de iis qua aduersus Celestij Pelagiique haeresim, Ioannem Antiochenum, & consorts eius factionis, decreta erant, his verbis peremptoriis: *Quoniam autem oportebat & absentes à sancta synodo, morantesque in urbibus & provinciis, ob aliquod impedimentum, sive ecclesiasticum, sive corporeum, non ignorare qua de ipsis sunt constituta.* Quia epistola describuntur nomina Episcoporum quos à communione Concilium excluderat; ne scilicet literas formaras & communicatorias ab illis acciperent, vel ad illos darent, ut Concilij Sardicensis epistola jam olim hunc ritum explicuerat. à quo comprobando nunc abstineo, quia rest est omnibus notissima.

VII. Eandem rationem secuti sunt Romanii Pontifices in Decretis suis per provincias promulgandis. Quod patet ex verbis Siricij, qui ad Himerij Tarraconensis Episcopi consultationes cum graviter respondisset, illi dat in mandatis ut quinque provincialium Hispaniarum Episcopos, id est, Tarraconensis, Carthaginensis, quæ deinde Toletana vocata est, Baeticæ, Lusitanæ, & Gallicæ, vicinis hinc & inde provinciis, id est, Narbonensi, & Elusanæ, decreta sua insinuet, ne scilicet in posterum seigniorantia juris tueri possint: *Quanquam nulli Episcoporum statuta sedis apostolice vel canonum definitae iuramenta* *ad eam* *ad eam* *ad eam*

definita ignorare sit liberum, ut ait ille, scilicet ea quæ semel edita sunt, qualia erant pleraque quæ tantum Siricus decretis suis renovabat, & hæc ad tua consulta rescripsimus, inquit, ut in omnium cœpiscoporum nostrorum perferri facias notionem, & non solum eorum qui in tua sunt diæcessi (id est, provinca) constituti, sed etiam ad universos Carthaginenses, Beticos, Lusitanos, atque Callaicos, vel eos qui vicinis collimitant hinc inde provinciis, hæc que à nobis sunt salubri ordinatione disposita, sub literarum tuarum prosectione mittantur. Et quanquam statuta sedis apostolica vel canonum venerabilis definita nulli Sacerdotum Domini ignorare sit liberum, utilius tamen & pro antiquitate sacerdotii tui dilectioni tue admodum poterit esse gloriosum, si ea que ad te speciali nomine generaliter scripta sunt, per unanimitatim tuae sollicititudinem in universorum fratrum nostrorum notitiam perferantur, quatenus & que à

*nobis non inconsultè, sed providè, & sub nimia
cautela & deliberatione, sunt salubriter consti-
tuta, intemerata permaneant, & omnibus in
posterum excusationibus aditus, qui apud nos
nulli patere poterit, obstruatur.*

Sanè adeo erat necessaria Decretorum Siricij per provincias promulgatio, in eo saltem jure quod novum condebat, nempe de Sacerdotum dejectione qui ab uxoribus non abstinebant, ut Innocentius de hoc capite ab Exuperio Episcopo Tolosano consultus rescriperit disparem esse conditionem illorum ad quos non pervenit forma ecclesiastice disciplinae quæ ab Episcopo Siricio per provincias commeavit, & eorum qui formam vivendi à Siricio missam scivisse deteguntur. Illis enim *ignorationis* *venia remittetur*, ita ut de cetero penitus incipiant abstinere; hi autem sunt *omnibus modis* submovendi. Idem Innocentius, cum Relationi Antiocheni Episcopi respondisset, *Gravitas istaque tua*, inquit, *hec ad nosissimam coepiscoporum*, vel per synodus, si potest, vel per harum recitationem faciat pervenire; ut que ipse tam necessario percutiatus es, & nos elimatae respondimus, communi omnium consensu studioque serventur.

VIII. Cum Zozimus Episcopum Arelatensem nova dignitate ornare veller, nempe ut sine illius Episcopi formata epistola nullus Clericorum è Galliarum provinciis Romanam veniens, in communionem Romani Pontificis suscipieretur, Decretum suum publicè per provincias proposuit: *Quam auctoritatem, inquit, ubique nos mississe manifestum est, ut cunctis regionibus innocentia id quod statuimus omnimodiis esse servandum.*

Hanc regulam amplexus est Summus ille Pontifex Leo, qui datam ad Nicetam Aquileensem Metropolitanum epistolam hoc mandato claudit: *Hanc autem epistolam nostram, quam ad consultationem fraternitatis tue emisimus, ad omnes fratres & comprovinciales tuos Episcopos facias pervenire, ut omnium observantie data prospicit auctoritas.* Ab hac consuetudine manat quod idem Leo Galliarum Episcopos certiores reddit de damnata Eutychetis haeresi in Synodo Chalcedonensi, & dejecto Dioscoro: *Nam fratres mei, qui vice mea Orientali synodo presederunt, que alta retulerint significio.* Non solum autem in iis qua fidem respiciunt, sed etiam in iis qua ad disciplinam pertinent, hunc ordinem sequutus est Leo in Galliarum provinciis. Etenim cum Theodorum Foro Juliensem qua ratione poenitentie beneficium agris concedendum esset literis suis monuisset, addidit: *Hac autem que ad interrogationem tuam respondi, ne aliquid controvenerit, sic*

& Imperij Lib. II. Cap. XV.

III

excusatione generetur, in Metropolitani tui notissim focias pervenire; ut si qui forte sunt fratrum qui de his antea putaverint ambigendum, per ipsum de omnibus que ad te scripta sunt instruantur. Ecclesia Gallicanæ Episcopi Decreta Romanorum Pontificum in synodis suis edebant, & canonibus inserebant, ut clerum iis servandis obligarent. Elegans est Concilij Agathensis canon nonus: Placuit etiam ut si Diacones, aut Presbyteri conjugati, ad torum uxorum suorum redire voluerint, Pape Innocentij ordinatio, & Siricij Episcopi autoritas, que est his canonibus inserta, conservetur. Quia in re Africanorum exemplum sequentur, qui juxta Siricij Papæ epistolam decreverunt in Concilio Zelleni, ne viduæ maritus admittatur ad clericum, neve abjectum Clericum alia Ecclesia suscipiat, ne unus Episcopus Episcopum ordinet, excepta Ecclesia Romana. Eodem sensu accipienda sunt hæc verba Concilij Africani: Recitate sunt literæ Pape Innocentij, ut Episcopi ad transmarina pergere facile non debant. Quod hoc ipsum Episcoporum sententias confirmatur.

X. Qui contrariam sententiam tuentur, scilicet necessariam non esse legum promulgationem, existimant se juvari posse verbis quibusdam Nicolai I. quæ referuntur à Gratiano; in quibus excusationem Constantinopolitanorum repellit, qui dicebant se canonibus Sardicensibus non teneri, quod Græcis canones illi omnino ignoti essent. Sed, ni fallor, pro nobis stabit Nicolaus; si non hæreamus nudis verbis, quæ à Gratiano adducuntur, sed ejusdem Nicolai epistola ad Photio verba, quæ uberiori istam exequuntur, sincere explicemus. Disputat Nicolaus adversus Photium, qui è laicorum grege & è palatinis administrationibus ad patriarchalem sedem provectus fuerat, prætermisis Clericis Ecclesiæ Constantinopolitanæ, qui omnem in dominicis castris atatem exegerant. Protulerat Nicolaus Decreta Celestini & Leonis, qui vetant neophytorum laicorum ordinationes, & juxta tantorum patrum sententiam, Photij recens ordinati communionem repulerat. Respondit Photius has leges Orienti non fuisse datas: Sed dicit: *Hec non in lege suscepimus, & prevaricatores, qui significantur Græci & Saraceni dicuntur, non sunt, nisi qui præter legem acceptam aliquid pravitatis committunt, sicut Apostolus ait: Vbi non est lex, ibi non est prevaricatio.* Replicat Nicolaus de lege naturali, cuius præscripto omnes tenentur; quæ vetat ullum laedi, & alteri fieri quæ quis sibi facta noller. Hac juris naturalis æquitate nisi decreta Pontificum, quæ Clericis provectioribus injuriam fieri vetant

per laicorum præcipites ordinationes. Sed quia nimis longè perita videbatur ratio desumpta è lege naturali, canone Sardicensis Concilij constituta Pontificum adversus laicos edita confirmat: *Noli, quæa de cunctis non suscepere, amplius afficerere, cum ipsi nihil, nisi quod naturalis, quod Moysæ, necnon & gratie lez jussit, instituant, & quid quid in Sardicensi sancti Patres Concilio statuerunt, custodiendum prorsus esse definierunt.* Ex quo sequitur, Nicolao nullam patuissè viam qua Photium servandis Decretis in Gracia nondum promulgatis obstringeret, nisi quod specialiter illa, de quibus erat quæstio, lege naturali & Concilio nisi existimat. Quare aliud pronuntiandum erit, ex ipsius Nicolai mente, si quæ de cuncta proferantur quæ lege naturali vel canonibus jam editis non fulciantur. Sed quia replicabat Photius, ignotos esse Orienti Concilij Sardicensis canones, ideoque se illorum auctoritate non laedi, quid retulit Nicolaus? An fortasse quod nos impugnamus, necessariam non esse canonum per provincias editionem? Minime verò. Quin potius contrarie sententiae principiis acquiescens, non de jure cum Photio disputat, sed de facto; nempe receptos esse apud Græcos Concilij Sardicensis canones. Quod ille liquidissimè demonstrat, docetque illo Codice Canonum contineri, quo Græci ute rentur quotidie, imo & altera quadam Collectione quinquaginta titulis distincta: *Aut quomodo non sunt penes vos canones Sardicenses, quando inter quinquaginta titulos, quibus Concordia Canonum apud vos texitur, ipsi quoque reperiuntur.* De hac Collectione agetur libro III. cap. III. §. VIII.

X. Opponitur nostræ sententiae quod traditur in Decretalibus, de vitandis excommunicatis per omnes provincias, et si excommunicationis sententia in una tantum dieœcisi promulgata fuerit. Fateor hac in parte recessum fuisse ab antiquo jure, quod Episcopis consortium excommunicati prohibebat, si admoniti essent per litteras, ut patet ex Concilio Arausicano, & Turonensi secundo, & aliis quamplurimis, imo etiam ex canone primo Concilij Ephesini quem superius laudavi. Quin etiam tempore Iovonis, excommunicatus ab uno Episcopo, à ceteris Episcopis erat excommunicandus, ut omnibus nota esset sententia lata in reum: *Sic enim antiquitus est institutum, & nuper in Arvernensi Concilio, omnium Episcoporum qui aderant consensu confirmatum, ut ab uno Episcopo quemlibet pro injuriis ecclesiasticis excommunicatum vicini quoque Episcopi excommunicent.* Hic tamen recentior usus

Concl. Arau. cap. xi. anno 441.
Turon. ii. cap. 8.
an. 567.

Ivo ep. 748

Territorialis in
Brev. T. 6. 110.
158. Consil. Zell.
ex epistola Papæ
Sarac.

Concl. Afric.
cap. 61.

C. Quod dicitur.
Bull. 16.

Nicolaus I. ep. ad
Photium.

an. 567.